

09 FEBRUARI 2018

Curi tabung tokong untuk beli dadah

Curi tabung tokong untuk beli dadah

MELAKA - Polis menumpaskan Geng Firdaus Botak yang aktif melakukan jenayah pecah tabung rumah ibadat penganut Buddha di sekitar Alor Gajah dengan menahan sembilan individu termasuk seorang wanita baru-baru ini.

Ketua Polis Melaka, Datuk Abdul Jalil Hassan berkata, kesemua suspek yang berusia 18 hingga 32 tahun ditahan secara berasingan dalam tempoh 24 jam pada 26 Januari lalu.

"Berdasarkan rakaman kamera litar tertutup yang dipasang di sebuah tokong di Rembia di sini pada pukul 2 petang, lima suspek tersebut masuk dan men-



ABDUL JALIL (dua dari kanan) menunjukkan sebahagian daripada peralatan yang dirampas daripada Geng Firdaus Botak pada sidang akhbar di Melaka semalam.

curi duit tabung. "Polis kemudian dapat menahan kesemua suspek tiga jam kemudian di se-

buah restoran makanan segera di Batu Berendam," katanya pada sidang akhbar di sini semalam.

Menurut Abdul Jalil, turut dirampas ialah pedang, parang panjang dan pengunci stereng.

Katanya, siasatan awal mendapati kumpulan tersebut diketuai lelaki bergelar Firdaus Botak yang turut dibantu isterinya yang berusia 19 tahun.

"Kita percaya kumpulan itu terbabit dalam 17 kes pecah tabung tokong di sekitar Melaka," katanya sambil memberitahu suspek melakukan jenayah itu untuk mendapatkan wang bagi membeli dadah.